



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Expedita Juris Divini, Natvralis, Et Ecclesiastici Moralis Expositio

Tamburini, Tommaso

Coloniæ Agrippinæ, 1665

Religiosi, an sint Ministri hujus Sacramenti, parag. 3

**urn:nbn:de:hbz:466:1-40132**

structum, ita ut ager, medio tempore, prudenti iudicio, possit dici fuisse, extra periculum mortis, quod ad illum morbum attinet.

7. Denique Rituale Romanum his verbis breviter, & disertè propositam rem, sic expedit. In eadem infirmitate hoc Sacramentum iterari non debet, nisi diuturna sit, ut, cum infirmus convalescerit, iterum in periculum mortis incidit.

CAPUT III.

De Ministerio huius Sacramenti,

§. I.

Minister est Sacerdos.

I. P RO valore, est quilibet simplex Sacerdos, licet excommunicatus, vel degradatus. Pro licito autem usu, debet esse Sacerdos non excommunicatus, nec alia innodatus Censura, & Jurisdictionem habens in infirmum, qualis est Prælati pro suis ovibus, ut item est Parochus pro suis, vel alius Sacerdos ex alterius commissione tacita, vel expressa. Quare in necessitate quilibet Sacerdos nulla Censura ligatus licet confert, quia potest præsumere licentiam Parochi, vel Prælati, cum in his actionibus, quæ, non ut validè, sed, ut licitè fiant, dependent à Superiore, non requiratur, nisi probabilis ejusdem consensus: jure, ut ait Castropalaus, a sic disponente.

a Castrop. de Extr. Vn. p. 7. num. 4.

3. Si sane ulla licentia Sacerdos alterum ungeret, saltem sæpè id faciendo, videtur res gravis, atque ad eam culpam mortalis, usurpat enim jurisdictionem alterius. Non ita, si semel, aut iterum; sic enim leve quid est, ut in simili alibi memini, b me declarasse.

b In opus. de comm. c. 5. §. 4. nu. 8.

4. An Sacerdos excommunicatus licitè ex necessitate inungat? colligi ex ibidem dictis potest.

§. II.

Sub qua obligatione.

c Lege Lay. 5. P AROCHUS, & Prælati tenentur ex justitia, & obligatione sui officii sub morte (alii enim Sacerdotes, solum ex Charitativitate) hoc Sacramentum conferre suis ovibus, p. 3. tra. 4. sive expressè, sive tacitè perentibus: quam resol. 170. tacitam petitionem ego interpretor adesse,

quoties infirmus graviter decumbit, nec Sacerdotem excludit, immò si excludat, debet à Parocho persuaderi, &c. Licet enim infirmus, modo supradicto, non obligetur, saltem regulariter, sub mortali Extremam-Unionem suscipere, qui potest suo juri cedere, non tamen ita Parochus, qui, ut Pastor, debet in illo gravi articulo suis ovibus de spiritualibus remediis providere.

Pio tempore pestis videantur Castropalaus, & multi, quos citat Leander. Nobis in præsentia satis sit duo notare, Primò. Docent non pauci, f si peste infecti, sint confessi, unde censentur esse in gratia, posse Extremam Unionem absolute omitti.

Secundò, Docent Tannerus & alique, non teneri Parochum, quando, adhibitis remediis, adhuc subest periculum suæ vitæ, hoc Sacramentum porrigere, sed addit Suarez loc. cit. Parochum obligari, adhibere convenientia remedia, quibus possit sine morali periculo, Extremam Unionem ministrare. Legè ipsam, qui hæc remedia enumerat.

§. III.

Religiosi, an sint hujusmodi Sacramenti Ministri.

I. C ONTRA Religiosos conferentes hoc Sacramentum fulminatur ipso facto excommunicatio Pontifici reservata in primis de Privilegiis. Intellige autem, quando sine licentia tacita, vel expressa Parochi, vel sine Pontificis privilegio id faciant. Quibus tamen ipsi ex privilegio conferre Extremam Unionem possunt, habes latè apud Quintan. l. mox citando, ex quo duo feligo duntaxat.

2. Primò, Si Novitius Sacerdos conferat alicui Extremam-Unionem sine licentia Parochi, peccat quidem modò dicto §. 1. nu. 3. At non afficitur hac excommunicatione. Ita Suarez h (quidquid dicat Navarrus) nam hæc excommunicatio est contra Religiosos, Novitii autem, in odiosis, Religiosorum nomine, non veniunt.

3. Secundò. In dicta Clementina non est sermo de Religioso ministrante hoc Sacramentum, alteri Religioso, qui est exemptus à Jurisdictione Parochi. Racio est, quia dictæ prohibitionis totus finis est, ne præjudicium aliquod



aliquod oriatur Parochis, quod nequam fit, si Religiosus Religiosum inungat, in quos nulla Parochus Jurisdictione gaudet.

## §. IV.

*De adjutore ministrantis hoc Sacramentum.*

1. **A**Djutor, seu respondens Sacerdoti hoc Sacramentum ministranti, indicavi supra, solere esse Clericum, immò sufficere etiam Laicum, & aliquando posse nullum adesse. Inquit nunc præterea, an liceat esse Fœminam?

Respondeo, nequaquam licere: nec scilicet, respondeo ad preces, nec multò magis, tergendò sensus infirmi uncti.

Quid si deficient viri omnes? Adhuc sentio cum Quintan. a. potius Sacerdotem sibi debere respondere, & eundem ipsū abstergere unctiones, quam Fœminam adhibere. Nam ex una parte, ejusmodi adjutorem adesse, non est necessarium in hac functione, & ex alia Fœminæ in Sacris Canonibus semper arcentur ab immediatis hisce Ministeriis Sacramentorum.

## CAPUT IV.

Quo tempore ministrari potest  
Extrema-Unctio.

1. **Q**uacumque hora, quocumque tempore, quocumque die: non enim est, unde coarctatum sit ejusmodi tempus.

*Finis de Extrema-Unctione.*

*Laudes D. E. O., Beatiss. Virgini, ac B. Aloysii.*

*Tamburinus de Sacramentis.*

HL

LIBER

2. Solum in tempore Interdicti prohibitum id invenimus in Sacro Textu. b

3. Excipitamen ab hac prohibitione debent, Primò, ii, quibus pro illo tempore concessum est privilegium, (quod an, & quatenus concedatur à Bulla Cruciatae dicitur in Trac. de Interdicto, e ubi etiam dicitur, quoad Religiosos.

8. Excipe Secundò, quando moriturus Sacramentum Pœnitentiæ recipere non potuit; nam in hoc casu Extrema-Unctio est medium valdè probabiliter necessarium ad animæ infirmi salutem, unde illam non prohibet Ecclesia, sicut, nec tunc prohibet collationem Sacramenti Pœnitentiæ.

Quoniam verò acquiri primam gratiam, & peccatum oblitum remitti Fideli Baptizato per susceptionem aliorum Sacramentorum bona fide, & cum attritione factam, est solum probabile; d per Pœnitentiam verò; & Extremam-Unctionem fit moraliter certum, ideo puto non esse alienum ab Ecclesiæ pietate concedere, ut infirmus, si tempore interdicti non potuit recipere Sacramentum Pœnitentiæ, (esto receperit aliquod aliud Sacramentum, etiam Eucharistiam) posse Extremam-Unctionem rite suscipere, illique a Sacerdote eam ministrari, ut scilicet certius ejus salutem consultatur.

o(30

6